



REPUBLIKA E SHQIPËRISË

AUTORITETI PËR INFORMIMIN MBI DOKUMENTET E ISH-SIGURIMIT TË SHTETIT
SEKRETARI I PËRGJITHSHËM

Nr. _____ Prot.

Tiranë, më ____ .10.2023

Lënda: Përgjigje kërkesës së paraqitur nga media kafe.al
E-mail : info@kafe.al

Të nderuar,

Në përgjigje të kërkesës tuaj për informacion, nr. 1718 prot datë 09.10.2023 (tonën) dërguar Autoritetit për Informimin mbi Dokumentet e ish-Sigurimit të Shtetit (Autoriteti) me anë të së cilës në referencë të ligjit nr. 119/2014 “Për të drejtën e informimit”, dhe të ligjit nr. 45/2015 “Për të Drejtën e Informimit për Dokumentet e Ish-Sigurimit të Shtetit të Republikës Popullore Socialiste të Shqipërisë” i ndryshuar, kërkohet vënia në dispozicion e informacionit si më poshtë:

1. Në bazë të dokumentacionit që disponon Autoriteti cilat janë të dhënat për Gjeneral L.H., me detyrë ish shef Shtabi i Përgjithshëm i ushtrisë, dhe
2. A rezulton personi në listën e bashkëpunëtorëve të ish-Sigurimit të Shtetit, ju informojmë se :

Së pari : ligji nr 119/2014 “Për të drejtën e informimit”, gjen zbatim dhe mbetet i apikueshëm ku është e mundur dhe nuk bie ndesh me ligjin organik, pra lidhur me aktivitetin dhe dokumentacionin e prodhuar nga autoriteti publik, informacionet mbi përbërjen, aktet me të cilat rregullohet organizimi dhe funksionimi i veprimtarisë së këtij autoriteti publik.

Referuar objektit të kërkesës për informacion që i nënshtrohet ligjit nr. 119/2014 “Për të drejtën e informimit” për informacionin dhe që në kuptim të pikës 2 të nenit 2 të ligjit nr 119/2014 “Për të drejtën e informimit” konsiderohet informacion publik vërehet se:

Bazuar në nenin 26 të ligjit nr. 45/2015, pika 2 “*Institucioni kushtetues dhe autoriteti publik i drejtohet Autoritetit me kërkesë për informim mbi dokumentet e ish-Sigurimit të Shtetit për qëllime të përmbushjes së funksioneve të tij*”.

Në zbatim të dispozitës së mësipërme, Autoriteti vihet në lëvizje për verifikimin e figurës për çdo kandidat sipas nenit 29 dhe 30 të ligjit nr 45/2015 i ndryshuar, vetëm pas një kërkesë të paraqitur nga institucion kushtetues apo autoritet publik, nga subjektet politike/kandidatët për deputetë në Kuvendin e Shqipërisë për qëllime të përmbushjes së funksioneve të tij, **dhe jo kryesisht pra me iniciativë të vetë Autoritetit.**

Vetëm në kushtet kur është paraqitur një kërkesë për verifikim dhe në masën dhe për qëllimet që e lejon ky ligj, lind detyrimi i Autoritetit që “*t’i përgjigjet çdo kërkesë të institucioneve kushtetuese dhe autoriteteve publike, lidhur me ekzistencën e informacioneve në dokumente të ish-Sigurimit të Shtetit, kur kjo kërkohet në kuadër të vlerësimit, sipas legjislacionit përkatës, të cilësive etike, morale dhe profesionale të kandidatëve për t’u emëruar ose ngritur në detyra*” siç përcakton qartë neni 29 dhe 30 i ligjit nr 45/2015 i ndryshuar.

Për shtetasin Gjeneral L.H., pranë Autoritetit, nuk është paraqitur asnjëherë kërkesë, qoftë nga institucionet e përcaktuara në ligj për verifikim të figures së shtetasit qoftë nga shtetasi.

Sa më sipër, Autoriteti, në mungesë të një kërkesë të paraqitur nga subjektet e përcaktuara nga ligji që kanë nevojë të kërkojnë verifikimin e zyrtarit në fjalë, nuk mund të vihet në lëvizje e rrjedhimisht nuk mund të ketë një vendimarrje të Autoritetit për shtetasin.

Së dyti : Ligji nr. 45/2015, përcakton qartë subjektet kërkues që mund të kenë qasje në informacion, objektin, qëllimin dhe përdorimin e informacionit, të drejtat e kërkuesve, mbrojtjen e palëve të prekura apo të tretëve si dhe kriteret e përdorimit të informacionit.

Kërkesa juaj për informim dhe dokumentacion si media, i nënshtrohet dispozitave procedurale të nenit 38 të ligjit nr. 45/2015 i ndryshuar, për mënyrën se si të aksesohet informacioni, sipas dispozitave njohëse dhe kufizuese të tij.

Neni 38 “**Informimi i medias**” parashikon të drejtën e përfaqësuesve të medias për të konsultuar të dhënat e Sigurimit si më poshtë:

1. Vënia në dispozicion dhe përdorimi i dokumenteve nga media kryhet në përputhje me nenet 36 dhe 37 të këtij ligji.

2. Kur publikimi i të dhënave personale, të siguruara sipas këtij ligji, shoqërohet me deklarata të kundërta të personave të përmendur, këto deklarata u bashkëlidhen të dhënave personale dhe ruhen, vihen në dispozicion e lejohet të publikohen, në të ardhmen, vetëm së bashku me deklaratat kundërshtuese.

Bazuar në dispozitën e mësipërme, nenin 38 të ligjit të posaçëm nr. 45/2015 i ndryshuar, lidhur me të drejtat dhe procedurën për shqyrtimin e dokumenteve, vënien në dispozicion dhe përdorimin e dokumenteve nga cdo media, në faqen zyrtare të Autoritetit mund të konsultohen Udhësuesi për studiues-media si edhe të plotësohet formulari përkatës për aplikim nga studiues-media, të dyja të miratuara nga Autoriteti, me qëllim adresimin e kërkesës tuaj, në dispozitën e përcaktuar nga ligji e më pas vijimin e trajtimit të kërkesës.

Kjo qasje do të garantohet në kushte që sigurojnë respektimin e të drejtave të njeriut, mbrojtjen e të dhënave dhe privatësinë e individëve të përmendur në dosje, e gjithashtu marrjen e miratimit të tyre.

Kordinatori i të drejtës për informim pranë Autoritetit

L. Cocoli

SEKRETARI I PËRGJITHSHËM

Në mungesë dhe me Urdhër

Drejtori i Shërbimeve Mbështetëse dhe Financave

Sofi Noti